

*Scurtinio di Governador di la quinquereimi,
justa la parte presa.*

Sier Bartolomio Falier fo soracomito, qu. sier Luca	44.116
Sier Zuan Bembo fo soracomito, di sier Alvise	26.132
Sier Filippo Corner fo zudexe di Pe- tizion, qu. sier Hironimo	72. 84
Sier Alexandro Bondimier fo soraco- mito, qu. sier Francesco	54.105
Sier Bertuzi Contarini fo capitano di le galie di Alexandria, qu. sier Andrea	90. 65
Sier Andrea Contarini fo soraco- mito, qu. sier Teodosio	64. 88
† Sier Hironimo da Canal fo capitano al Golfo, di sier Bernardin . . .	109. 50
Sier Polo Justinian fo soracomito, qu. sier Piero	80. 72
Sier Bernardo Contarini fo soraco- mito, qu. sier Teodosio	38.116
non Sier Elor Loredan è a la camera d'impresidi, qu. sier Nicolò.	
non Sier Anzolo Trun fo soracomito, qu. sier Andrea.	
non Sier Vicenzo Salamon fo soraco- mito, qu. sier Vido.	
non Sier Zorzi Diedo capitano di le bar- che armade in Puia, qu. sier An- tonio.	
non Sier Marco Balbi capitano di bre- gantini, qu. sier Zuane.	

366*

In Gran Conseio.

Governador di la quinquereimi.

† Sier Hironimo da Canal fo capita- nio al golfo, di sier Bernardin, triplo	860.152
Sier Andrea Contarini fo soracomito, di sier Teodosio, dopio	402.587

*Di campo, da Cassan, venne lettere, a ve-
spero, del proveditor zeneral Nani, di 22, hore
23. Scrive, come era ordinato, il conte di Caiazo,
qual andò a Lodi, inteso il romper del campo di
francesi, riporta, il duca di Milan heri partite per
Crema per star più sicuro. Scrive, ha inteso la*

Diarii di M. SANUTO. — Tom. L.

cosa di la rotta esser stata in questo modo, che
hessendo heri matina levati francesi di Landriano,
et mandata avanti l'antiguarda in la qual era il
conte Guido Rangon, et passato Lambro, poi in-
viata la bataia et il retroguarda, sopravene 600 ca-
valli de spagnoli con le camise bianche su le arme,
et che francesi comenzono a esserli a l'incontro. Li
qual spagnoli si andono reculando fin apresso un
loco dove erano 1000 archibusieri imboscati, i
quali ussirono fora dando adosso francesi, dove fu
morto zerca numero et da li cavalli mede-
mi di essi francesi li fanti che erano in la
guarda fo posti in fuga et rota. Inimici feno presoni
monsignor di San Polo, il conte Claudio Rangon,
il Gonzaga di Novolara, domino Hironimo da Ca-
stion et altri signori, et andò seguendo a la bataia,
di la qual parte rupe, et si salvò il conte Guido con
l'antiguarda in Pavia; perso l'artellarie; sichè è stà
una gran rotta. Li presoni fono menati in Milano.
Fo mandato uno trombeta in Milan per saper di
l'orator Contarini, niun sa dove el sia, *tamen* da-
poi ha hauto aviso è zonto in Pavia salvo. Scrive
di questo campo francese molti vengono spogliati li
a Cassan, poi quelli è salvati a Pavia et altrove.
Pertanto è bon non abandonarli; et parendo a la
Signoria i se tolesse nel nostro campo, ovvero almen
darli il viver et tenir conto fino zonza li danari si
aspetta di Franza et farse pagar.

1529. Die 22 Iunii. In Rogatis.

367

Sier Hironimus da chà da Pezaro,

Sapiens Consilii.

*Sapientes ordinum, excepto sier Hironi-
mo Trono.*

Absente, ser Marco Bembo.

Non hessendo da differir lo armar della quin-
quereme, per poter riceverne quel frutto che ognun
da cussi raro legno si promette;

L'anderà parte, che per scurtinio et 4 man de
election, nel primo nostro Magior Conseio, elezer si
debba uno gubernator di essa quinquereime, qual
habbia ad preceder tutti li sopracomiti nostri, et
hessendo in alcuna expeditione mandato con altri
sopracomiti, se intendi quello sempre esser capo.
Al quale siano dati ducati 25 al mese di salario neti,
et haver debba apresso di sè nobili 4. Debba tenir
lo integro numero de homeni da remo, che essa
quinquereme puol portar, et 20 di più. Sopra la
qual se habbiano ad poner, sotto un bon capo, ar-